

---

**ZAPISNIK  
SA II VANREDNE SJEDNICE UPRAVNOG ODBORA  
UDRUŽENJA POSLODAVACA U FBIH**

**održane dana 17.10. 2016. godine (ponedjeljak), sa početkom u 12:00 časova u prostorijama ASA Holding ( Bulevar Meše Selimovića 16.) u Sarajevu.**

**Sjednici su prisustvovali članovi U.O.:** Adnan Smailbegović, Čolak Milenko, Kopruner Snježana, Čengić Safudin, Mirsad Peštalić, Adisa Karahodžić, Hadžiselimović Eldin, Ramiz Grapkić, Izet Imamović, Kemal Hrnjić, Ećo Suhad i Kemal Čolak.

**Sjednici su po ovlaštenju članova UO prisustvovali:** Nedžad Šadić(po ovlaštenju Rusmira Hrvić), Darko Josipović (po ovlaštenju Slišković Tomislava) i Željko Marjanović (po ovlaštenju Vilima Primorca).

**Sjednici nisu prisustvovali članovi U.O.:** Skenderagić Nijaz, Kusturica Sanel, Suton Ante, Raspudić Marin, Marijan Željko i Enisa Bekto koji su opravdali svoj izostanak.

**Sjednici je pored članova UO prisustvovali i članovi ESV-a za teritoriju FBiH, predsjedavajući Grupacija pri UPFBiH, predstavnici kompanija članica UPFBiH te potpredsjedavajući Vanjskotrgovinske komore BiH.**

**Ispred UP FBiH:** Mladen Pandurević, direktor i Mersiha Jusić, sekretar.

Predsjedavajući Upravnog odbora Adnan Smailbegović je predložio sljedeći:

**DNEVNI RED**

1. Razmatranje pitanja porezne reforme i zauzimanje stavova UPFBiH vezano za primjenu Pravilnik o izmjenama Pravilnika o primjeni Zakona o porezu na dohodak, donošenje Zakona o doprinosima te Zakona o porezu na dohodak ;
2. Tekuća pitanja;

**RASPRAVLJANJE PO TAČKAMA DNEVNOG REDA:**

**Tačka 1. Razmatranje pitanja porezne reforme i zauzimanje stavova UPFBiH vezano za primjenu Pravilnik o izmjenama Pravilnika o primjeni Zakona o porezu na dohodak, donošenje Zakona o doprinosima te Zakona o porezu na dohodak ;**

Predsjednik je upoznao prisutne da su poslodavci i Sindikat na posljednjoj sjednici ESV-a tražili odgodu primjene Pravilnika, te da, iako su imali obećanje premijera Vlade FBiH Fadila Novalića, ministrica finansija FBiH nije željela odstupiti od svog stava i nije došlo do odgode Pravilnika koji je stupio na snagu 03.10.2016. godine. Također je istakao da je na ovaj način u potpunosti došlo do rušenja socijalnog dijaloga i neuvažavanja socijalnih partnera obzirom da delegacija Vlade u ESV-u nije prihvatila stavove UPFBiH.

Obzirom da nije došlo do odgode Pravilnika Udruženje poslodavaca u FBiH u cilju vršenja pritiska na Vlast da što prije donese Zakon o porezu na dohodak i Zakon o doprinosima u narednim mjesecima voditi medijsku kampanju. U tom smislu angažovala je PR agenciju koja je pripremila strateški plan. Predsjednik Smailbegović je prisutnima prezentovao medijsku kampanju koju je pripremila Udruženje u saradnji sa PR agencijom. Kampanja prvenstveno ima za cilj lobiranje kod nadležnih institucija i donosilaca odluka da se što prije donesu izmjene i dopune spomenuta dva zakona, te promovisanje interesa privrede (poslodavaca i uposlenika) Federacije BiH u vezi sa donošenjem zakonske regulative koja uređuje poreski sistem u smislu rasterećenja privrede.

Nakon prezentacije Predsjednik Smailbegović je otvorio raspravu po ovom pitanju. U raspravi su učestvovali svi prisutni koji su podržali ovaj vid medijske kampanje ali također izrazili da Udruženje poslodavaca FBiH zaista treba ošto djelovati prema Vladi i da se ne smije dozvoliti da ovakvi nameti od strane Vlade prođu bez velikih reakcija.

Gdin. Eldin Hadžiselimović je predložio da UPFBiH pripremi odgovarajući dopis koji bi potpisao veliki broj kompanija kao i sva granska i kantonalna udruženja a koji bi se uputio Premijeru, nadležnim ministarstvima, oba doma Parlamenta FBiH, svim predstavnicima vladajućih stranaka te medijima. Na ovaj način bi morali vratiti ulogu i značaj Udruženja poslodavaca u FBiH.

Nakon veoma otvorene i konstruktivne diskusije doneseni su sljedeći:

### **Zaključci:**

**A.D. 1.1. Upravni odbor je podržao medijsku kampanju koju je UPFBiH pripremila u saradnji sa PR Agencijom uz zaključak da po pitanju donošenja navedena dva zakona treba agresivnije medijski djelovati i objasniti široj javnosti šta primjena Pravilnika, bez donošenja ova dva zakona zapravo znači za radnike i poslodavce. Također je zaključeno da će sve članice aktivno učestvovati u kampanji te da će se odrediti ko će u medijima predstavljati stavove Udruženja.**

**A.D. 1.2. Udruženoj poslodavaca u FBiH će hitno tražiti sastanak sa Fadilom Novalićem, premijerom Vlade FBiH i Jelkom Milićević, ministricom finansija na kojem bi se razgovoralo o hitnosti donošenja ova dva zakona i odgoda primjene Pravilnika o primjeni Zakona o porezu na dohodak.**

**A.D. 1.3. Prijedlog gđina Eldina Hažiselimovića je u potpunosti usvojen uz zaključak da će Udruženje poslodavaca FBiH pripremiti odgovarajući dopis i uputiti svim relevantnim institucijama i organima vlasti te zatražiti njihovo uključivanje u rješavanje problema koji je od ključne važnosti za poslodavce. Dopis treba biti potpisan od starane velikog broja**

**poslodavaca iz FBiH kao i granskih i kantonalnih Udruženja poslodavaca FBiH.**

## **Tačka 2. Tekuća pitanja**

Pod tekućim pitanjima raspravljalo se:

- a) Inicijativi EZ Busovača vezano za promet proizvoda koji sadrže hemikalije ili biocide na teritoriju RS a ukoliko su proizvođači na teritoriji FBiH;**
- b) Inicijativa za ukidanje fiskalnih kasa u veleprodaji**

Vezano za tačku a) direktor Udruženja Mladen Pandurević obavijestio je prisutne o aktivnostima koje na inicijativu EZ Busovača provodi Udruženje poslodavaca FBiH, a tiče se zabrane plasmana hemijskih proizvoda iz FBiH na područje RS-a. Naime, s ciljem rješavanja ovog problema, Udruženje poslodavaca je uputilo dopis premijeru Vlade FBiH, šefu delegacije Evropske unije u BiH i visokom predstavniku BiH, kao i svim medijima u Bosni i Hercegovini. U diskusiji u kojoj su učestvovali svi prisutni Ahmet Egrić, Potpredsjednik VTK BiH istakao je podršku Vanjskotrgovinske komore pri rješavanju ovog problema.

Vezano za tačku b) gđin. Ibrahim Meškić je napomenuo prisutnima da je Grupacija poslodavaca ZE-DO Kantona prošle godine uputila inicijativu nadležnim institucijama sa ciljem ukidanja fiskalnih kasa u veleprodaji, te da ovu Inicijativu ponovo reba pokrenuti.

Nakon diskusiji donesen je sljedeći:

### **Zaključci:**

**A.D. 2 a). 1. Udruženje poslodavac FBiH će i dalje insistirati na jednakom ekonomskom tržištu i sprječavanju diskriminacije, te vršiti pritisak na vlast dok se ovaj problem ne riješi, odnosno zahtjevat će od Vlasti FBiH da poduzme aktivnosti da se doneseni akti stave van snage.**

**A.D. 2 b).2. Zaključeno je da će Udruženje ubuduće pored inicijative za ukidanje fiskalnih kasa u veleprodaji insistirati na rasterećenju privrede i smanjenju svih parafiskalnih nameta.**

Sjednica se završila u 14:00 sati

Zapisnik sačinila: Mersiha Jusić

PREDSJEDNIK UO

Adnan Smailbegović